

Вилоят статистика бошқармаси Ахборот хизмати тўғрисида

Н И З О М

I. Умумий қондалар.

1. Мазкур Низом Жиззах вилоят статистика бошқармаси Ахборот хизматининг (кейинги ўринларда Хизмат деб аталади) макоми, асосий вазифалари ва функциялари, ҳуқуқ ва мажбуриятлари, шунингдек, унинг фаолиятини ташкил этиш тартибини белгилайди.

2. Ахборот хизмати Жиззах вилоят статистика бошқармаси (кейинги ўринларда вилоят статистика бошқармаси деб аталади)нинг мустақил таркибий бўлими ҳисобланади ҳамда бевосита унинг раҳбарига бўйсунди.

3. Хизмат ўз фаолиятида Ўзбекистон Республикаси Конституциясига, “Давлат ҳокимияти ва бошқаруви органлари фаолиятининг очиклиги тўғрисида”ги Ўзбекистон Республикаси Қонунига, Ўзбекистон Республикасининг “Давлат статистикаси тўғрисида”ги Қонуни ва Ўзбекистон Республикасининг бошқа қонунларига, Ўзбекистон Республикаси Олий Мажлисининг палаталари қарорларига, Ўзбекистон Республикаси Президентининг фармонлари, қарорлари, жумладан, “Оммавий ахборот воситалари мустақиллигини таъминлаш ҳамда давлат органлари ва ташкилотлари ахборот хизматлари фаолиятини ривожлантириш бўйича қўшимча чора-тадбирлар тўғрисида”ги қарорига, Ўзбекистон Республикаси Вазирлар Маҳкамасининг қарорлари ва фармойишларига, “Ўзбекистон Республикаси Давлат статистика қўмитаси тўғрисида”ги мазкур Низомга, шунингдек, бошқа қонун ҳужжатларига амал қилади.

4. Хизмат ўз фаолиятини вилоят статистика бошқармаси раҳбарияти, тармоқ бўлимлари, туман (шаҳар) статистика бўлимлари, шунингдек, Жиззах ахборот ва оммавий коммуникациялар бошқармаси (кейинги ўринларда – Жиззах АОКБ) билан ўзаро яқин ҳамкорликда амалга оширади.

II. Хизматнинг асосий вазифалари ва функциялари.

5. Қуйидагилар хизматнинг асосий вазифалари ҳисобланади:

Вилоят статистика бошқармаси раҳбарияти томонидан замонавий талабларга мувофиқ белгиланадиган ахборот сиёсатини шакллантириш ва амалга оширишда иштирок этиш;

ахборот соҳасидаги ягона давлат сиёсатини амалга ошириш борасида Хизмат зиммасига юкланган вазифаларни вилоят статистика бошқармаси

Ахборот хизмати, Жиззах ахборот ва оммавий коммуникациялар бошқармаси, давлат ва хўжалик бошқаруви органларининг ахборот хизматлари билан самарали ва амалий ҳамкорликда таъминлаш;

Вилоят статистика бошқармаси фаолияти ҳақида оммавий ахборот воситалари, ижтимоий тармоқлар, давлат органлари ва ташкилотларининг расмий веб-сайтлари, шунингдек, бошқа ахборот ресурслари орқали, шу жумладан, матбуот анжуманлари, брифинглар, медиатурлар ташкил этиш йўли билан аҳолига мунтазам, тўлиқ ва тезкор равишда ахборот тақдим этиб бориш;

Вилоят статистика бошқармасида мамлакатимизнинг ижтимоий-сиёсий ва социал-иқтисодий тараққиёти жараёни ҳақида ахборот бериш ва ёритиш бўйича чора-тадбирлар ишлаб чиқиш ва амалга ошириш;

Вилоят статистика бошқармасининг ижобий имижини шакллантириш ва илгари суриш, ижтимоий сўровлар ўтказиш ва бошқа шаклларда жамоатчилик фикрини ўрганиш;

Оммавий ахборот воситалари билан самарали ҳамкорлик қилиш, ахборот хизматлари билан доимий ишловчи журналистлар ва блогерлар доирасида тезкор маълумотларни тарқатиш, шунингдек, норматив-ҳуқуқий ҳужжатлар лойиҳаларини муҳокама қилишда кенг аҳоли қатламларининг иштирокини таъминлаш мақсадида экспертлар гуруҳини шакллантириш;

мунтазам равишда оммавий ахборот воситаларида вилоят статистика бошқармаси раҳбарларининг чиқишларини ташкил этиш;

ахборот макони мониторингини олиб бориш ва таҳлил қилиш, танқидий ва кенг муҳокама қилинаётган ахборот хуружларига тезкор муносабат билдириш, оммавий ахборот воситалари ва Интернет тармоғида вилоят статистика бошқармаси фаолиятига алоқадор ахборотни тарқатиш бўйича ишларни ташкил қилиш;

вилоят статистика бошқармаси билан биргаликда маҳаллий оммавий ахборот воситалари орқали тарқатиш учун хабар, маълумот, шарҳ ва бошқа ахборот-таҳлилий материаллар тайёрлаш;

вилоят статистика бошқармасининг фаолияти тўғрисида жамоатчилик фикрини, миллий оммавий ахборот воситаларининг позициясини ўрганиш, долзарб таклифлар ишлаб чиқиш ва улар тўғрисида раҳбариятга ахборот бериб бориш;

вилоят статистика бошқармасининг ваколатига кирувчи норматив-ҳуқуқий ҳужжатларнинг лойиҳалари ҳамда уларнинг тасдиқланган матнларини белгиланган тартибда ўз расмий веб-сайтларида жойлаштириш;

вилоят статистика бошқармасининг фаолиятига алоқадор матнли, фото, аудио ва видеоматериаллардан иборат маълумотлар базасини шакллантириш ва янгилаб бориш.

6. Хизмат юклатилган вазифаларни амалга ошириш учун қуйидаги функцияларни бажаради:

ОАВда, шу жумладан, Интернет тармоғида ахборотларни эълон қилади

шунингдек, бошқарма расмий веб-сайтида маълумотларни янгилаб боришни таъминлайди;

ОАВ ва журналистлар, блогерлар, статистик маълумотлар фойдаланувчиларининг сўрови асосида уларга оғзаки ва ёзма шаклда (шу жумладан, электрон ҳужжат шаклида) ахборот тақдим этади;

Вилоят статистика бошқармасининг веб-сайти ташкил этилишини ва уни замонавий даражада юритишни, шунингдек, Интернет тармоғидаги веб-ресурсларни, жумладан, Facebook ижтимоий тармоғидаги саҳифаси ҳамда Telegram месенжеридаги гуруҳи фаоллигини таъминлайди;

Вилоят статистика бошқармаси томонидан ташкил этиладиган расмий тадбирлардан теледастурлар, роликлар ва лавҳалар тайёрлашда ва уларни монтаж қилишда иштирок этади ҳамда ушбу материалларни белгиланган тартибда сақлаш учун уларнинг архивлаштирилишини таъминлайди;

III. Хизматнинг ҳуқуқлари ва мажбуриятлари.

7. Хизмат ўзига юкланган вазифалар ва функцияларни бажариш учун қуйидаги ҳуқуқларга эга:

Хизматнинг вазифалари ва функцияларини бажариш учун зарур бўлган ахборотни вилоят статистика бошқармаси тармоқ бўлимларидан белгиланган тартибда сўраб олиш;

вилоят статистика бошқармасининг йиғилишлари, мажлислари ва бошқа тадбирларида қатнашиш;

қўйилган вазифаларни бажариш учун вилоят статистика бошқармасининг раҳбари билан келишган ҳолда ташкилотнинг бошқа бўлимлари ходимларини жалб этиш, шунингдек, бошқа ташкилотларнинг мутахассислари ва малакали экспертларини, шу жумладан, шартнома асосида жалб этиш;

раҳбариятнинг топшириғига кўра давлат органларида, вилоят ва республика миқёсида бўлиб ўтадиган тадбирларда Хизмат ваколатига тегишли масалалар бўйича вилоят статистика бошқармаси номидан вакиллик қилиш;

вилоят статистика бошқармасининг ахборот сиёсатини такомиллаштиришга доир таклифларни, Хизмат фаолияти масалалари бўйича норматив ҳужжатлар лойиҳаларини раҳбариятнинг кўриб чиқиши учун киритиш.

8. Хизмат:

Ўзига юкланган вазифаларнинг сифатли ва ўз вақтида бажарилиши;

Вилоят статистика бошқармаси фаолиятининг миллий ОАВда ҳолисона, сифатли ва тезкор ёритилишини таъминлаш учун жавоб беради.

IV. Хизмат фаолиятини ташкил этиш.

9. Хизмат ходимларининг сони, улар амалга оширадиган вазифаларнинг мураккаблиги ва ҳажмига кўра вилоят статистика бошкармасининг раҳбари томонидан, ходимларнинг тасдиқланган умумий сони доирасида белгиланади.

10. Хизмат фаолияти вилоят статистика бошкармасининг раҳбари томонидан тасдиқланадиган иш режаси асосида амалга оширилади.

11. Хизмат ходими бевосита вилоят статистика бошкармасининг раҳбарига бўйсунди ва бир вақтнинг ўзида раҳбарнинг матбуот котиби, ахборот сиёсати масалалари бўйича маслаҳатчиси ҳисобланади.

12. Хизмат ходими:

Хизмат фаолиятини мувофиқлаштиради ҳамда Хизматга юкланган вазифа ва функцияларнинг бажарилиши учун шахсан жавоб беради;

Хизмат фаолиятини ташкил этади, режалаштиради ва назорат қилади, вилоят статистика бошкармаси тармоқ бўлимлари ҳамда ҳудудий статистика бўлимлари билан ўзаро ҳамкорлик қилади;

13. Хизмат фаолиятини ахборот, ҳуқуқий, моддий-техник ва транспорт билан таъминлаш, шунингдек, ижтимоий-маиший хизмат кўрсатиш вилоят статистика бошкармаси тармоқ бўлимлари учун белгиланган тартибда амалга оширилади.